

PENYATA PENDEDAHAN PRODUK

Pelanggan yang dihormati,

Penyata Pendedahan Produk (PPP) ini memberikan maklumat penting mengenai pembiayaan anda.

Pelanggan lain telah membaca PPP ini dan mendapati ia bermanfaat; **anda juga dinasihatkan untuk membacanya.**



BANK SIMPANAN NASIONAL

Tarikh: _____

1 Apakah BSN Pembiayaan Pendidikan?

BSN Pembiayaan Pendidikan adalah pembiayaan berjangka tanpa cagaran yang menawarkan bantuan kewangan kepada pelajar yang layak untuk melanjutkan pengajian mereka di peringkat Ijazah Sarjana Muda, Sarjana dan Doktor Falsafah di Universiti atau Kolej di Malaysia yang diiktiraf oleh Kementerian Pendidikan Tinggi Malaysia. Tujuan pembiayaan ini adalah terhad untuk membiayai yuran pengajian. Produk ini ditawarkan berdasarkan kadar berubah, di mana keuntungan dikira menggunakan kaedah asas baki bulanan. Keuntungan ditentukan berdasarkan baki prinsipal pada akhir setiap bulan. Jumlah ansuran bulanan akan berubah sekiranya terdapat perubahan pada Kadar Asas Standard (KAS).

Konsep Syariah yang diguna pakai ialah Tawarruq (Komoditi Murabahah) yang melibatkan dua kontrak jual beli. Pertama, pelanggan akan membeli komoditi daripada BSN pada harga yang merangkumi jumlah pembiayaan serta keuntungan (Murabahah), dengan bayaran dibuat secara ansuran. Seterusnya, pelanggan akan menjual komoditi yang sama kepada pihak ketiga secara tunai dan serta-merta untuk mendapatkan jumlah pembiayaan yang diperlukan. Kedua-dua urusan niaga pembelian dan penjualan ini diwakilkan kepada BSN, yang akan bertindak sebagai wakil pelanggan bagi urusan niaga tersebut.

2 Ketahui Tanggungjawab Anda

Untuk pembiayaan berjangka ini, sebagai ilustrasi:

- Jumlah pembiayaan anda = **RM150,000**
- Ansuran bulanan anda = **RM1,127**
- Tempoh pembiayaan anda = **20 tahun**
- Kadar Asas Standard (KAS)* = **2.75%**
- Kadar Untung Dipersetujui = **15% setahun**
- Kadar Keuntungan Efektif = **KAS + 3.50% = 6.25% setahun**

Jumlah yang perlu anda bayar adalah RM256,606.79 untuk tempoh 20 tahun

Anda perlu membayar fi dan caj berikut:

- Duti setem: **RM5** - Surat Tawaran (bagi setiap RM1,000 amaun pembiayaan)
- Fi Wakalah: **RM30**
- Fi Wasiat (jika ada): **RM500**
- Ikhlas Group Personal Accident Takaful (pilihan): **RM540**
- Caj bayaran lewat:
 - Sebelum Tamat Tempoh: Tidak melebihi **1% setahun** ke atas amaun ansuran tertunggak.
 - Selepas Tamat Tempoh: Pada **kadar IIMM** ke atas jumlah baki tertunggak.

Adalah tanggungjawab anda untuk:



Membaca dan memahami **terma-terma utama** dalam **kontrak** sebelum anda menandatangani.



Membayar ansuran bulanan anda tepat pada masa dan sepenuhnya **selama tempoh pembiayaan**. Hubungi kami jika anda ingin menyelesaikan pembiayaan anda lebih awal.



Pastikan anda mampu membayar ansuran yang lebih tinggi sekiranya Kadar Dasar Semalaman (OPR) meningkat.



Segera hubungi BSN sekiranya anda tidak dapat membuat pembayaran ansuran bulanan.

*KAS boleh meningkat atau menurun bergantung kepada perubahan Kadar Dasar Semalaman (OPR) yang diputuskan oleh Bank Negara Malaysia. Layari laman web kami <https://www.bsn.com.my/page/profit-rates> untuk maklumat lanjut siri sejarah KAS.

Jika anda ingin menyelesaikan pembiayaan anda lebih awal, anda perlu tahu:

- Penjelasan awal dibenarkan pada bila-bila masa setelah pengeluaran penuh dilakukan kepada Universiti / Kolej dengan mengemukakan notis secara bertulis kepada Bank.
- Tiada 'tempoh lock-in' untuk kemudahan ini dan BSN akan memberikan Ibra' (rebat) ke atas keuntungan tertanggung sekiranya anda menyelesaikan pembiayaan lebih awal.
- Ibra' (rebat) juga akan diberikan apabila jumlah keuntungan yang dikira berdasarkan EPR adalah lebih rendah daripada jumlah keuntungan yang dikira berdasarkan Kadar Keuntungan Dipersetujui CPR.
- BSN berhak untuk mengenakan apa-apa kos sebenar yang berbangkit akibat daripada penjelasan awal tersebut.

3 Ketahui Risiko Anda

Apa yang berlaku jika anda mengabaikan tanggungjawab anda?

- Anda **membayar lebih secara keseluruhan** disebabkan oleh caj bayaran lewat (Ta`widh).
- BSN berhak untuk **menangguhkan pengeluaran pembiayaan untuk semester berikutnya** sekiranya akaun tertunggak.
- BSN berhak menolak selesai baki tertunggak pembiayaan anda daripada sebarang wang dalam akaun simpanan BSN anda.
- Bank berhak untuk **menarik balik pembiayaan** sekiranya menukar program atau universiti, menangguhkan pengajian dan berstatus gagal pengajian atau menerima biasiswa daripada organisasi/institusi lain
- BSN berhak **mengambil tindakan undang-undang** terhadap anda, sekiranya berlaku kemungkiran terhadap terma pembiayaan oleh anda.
- **Skor kredit** anda mungkin terjejas, menjadikan permohonan pembiayaan lain pada masa hadapan menjadi lebih sukar atau mahal untuk anda.

Ansuran bulanan anda mungkin meningkat sepanjang tempoh pembiayaan anda.

KAS mungkin meningkat disebabkan kenaikan OPR yang ditetapkan oleh Bank Negara Malaysia. Kenaikan KAS bermakna anda perlu membayar ansuran bulanan yang lebih tinggi.

	Kadar Semasa 6.25% setahun	Kadar Meningkatkan sebanyak 1%	Kadar Meningkatkan sebanyak 2%
Ansuran Bulanan	RM1,127	RM1,215.00	RM1,306.00
Jumlah keseluruhan kos keuntungan di akhir tempoh pembiayaan 20 tahun	RM106,606.79	RM126,655.53	RM147,524.45
Jumlah keseluruhan bayaran di akhir tempoh pembiayaan 20 tahun	RM256,606.79	RM276,655.53	RM297,524.45

Nota: Contoh di atas adalah untuk tujuan ilustrasi sahaja.

4 Terma Utama Lain

- Adalah penting untuk anda memaklumkan kepada BSN sebarang perubahan maklumat dalam butiran peribadi anda untuk memastikan segala surat-menyurat sampai kepada anda tepat pada masanya.
- Langganan kepada Ikhlas Group Personal Accident Takaful adalah pilihan.
- Sumbangan perlindungan Takaful (pilihan) mungkin berbeza berdasarkan umur / tempoh / jumlah pembiayaan.
- Tiada penjamin diperlukan untuk produk ini.

Jika anda mempunyai sebarang pertanyaan atau memerlukan bantuan mengenai pembiayaan berjangka anda, anda boleh:



Hubungi kami di:
Tel: 03-2613 1900
(8.00am – 10.00pm)



Kunjungi kami di:
<https://www.bsn.com.my/IslamicBanking/Financing/financing?lang=ms-MY>



E-mel kami di:
customercare@bsn.com.my



Imbas kod QR di atas

Pengakuan Pelanggan*

Pastikan anda mengisi bahagian ini sendiri dan sedar tentang apa yang anda tandatangani.

- Saya mengakui bahawa **Bank Simpanan Nasional** telah memberikan saya salinan PPP.
- Saya telah membaca dan memahami maklumat utama yang terkandung dalam PPP.

* Pengakuan pelanggan terhadap perkara ini tidak akan menjejaskan haknya untuk mendapatkan ganti rugi sekiranya berlaku pertikaian mengenai terma dan syarat produk di kemudian hari.

.....
Nama:
Tarikh: